

DISSERTATIO IVRIDICA
DE
LOCATIONE
IVRISDICTIONIS

Von
Verpachtung derer Gerichte

QVAM
INDVLTV

ILLVSTRIS ICTORVM ORDINIS

PRAESIDE

D. IACOB AVGVSTO
FRANCKENSTEIN

SERENISSIMI PRINCIPIS ANHALTINO-
SERVESTANI CONSILIARIO AVLICO
ET REGIMINIS

PVBLICAE ERVDITORVM DISQVITIONI
SISTIT

A VTOR

IOANNES CHRISTIANVS Sommer
DRESDENSIS.

LIPSIAE DIE XXX. IAN. cl^o lcccXXVIII.

LITERIS IMMANVELIS TITII.



*PER-ILLVSTRI ATQVE EXCEL-
LENTISSIMO*

D O M I N O

HEINRICO DE BÜNAV


**DYNASTAE IN SEVSELIZ, RADE-
WIZ, LEHNIZSCH, GOELNIZ, GROS-
TAVSCHWIZ, ET RELIQUA**

**SERENISSIMI ATQVE POTENTIS-
SIMI POLONIARVM REGIS ET SAXONIAE
ELECTORIS MINISTRO STATVS, SANCTIORIS SE-
NATVS CONSILIARIO, CANCELLARIO, SVPREMO
STEVRARVM RECEPTORI, ET ILLVSTRIVM OR-
DINVM PROVINCIALIVM PRINCIPATVS AL-
TENBVRGICI DIRECTORI**

DOMINO MEO GRATIOSISSIMO.

PER-ILLVSTRIS ATQVE EX-
CELLENTISSIME!

DOMINE GRATIOSISSIME!

 *Non diu cogitandum
aut inquirendum
mibi fuit, ad cuius
pedes praesens hoc
de Locatione Iuris-
dictionis conscriptum specimen hu-
millime deponerem ; sed potius ve-
rendum, ne audaciae crimen hoc ipso
incurrerem. At enim vero inaesti-
mabilis TVA Clementia, DOMI-
NE PER-ILLVSTRIS atque
EXCELLENTISSIME, non mo-*

X 3 do

do audacem me fecit, sed nec dubitare sinit, quin exiguum hoc ac leuidense, serena ac clementi sis suscepturus fronte. Non igitur praesidenti motus audacia, quin potius humillima obligatione ductus, **NOMEN TVVM PER-ILLVSTRE EXCELLENTISSIMVM**que huic specimini praefigo, idque ad summae virtutis ac eruditionis **TVAE** aram humillime depono. Nec credo quendam fore, qui vitio id mihi vertat, si nunc quidem nihil magis dixerō, quam unicum hoc: Tot ac tanta Gratiae **TVAE** documenta Parenti meo, per tot annorum decursum benignissime fuisse exhibita; Ea certe admodum sufficientia arbitror, quae aeterno reuerentiae ac obsequii cultu, non dicam a nobis compensentur, sed submissa saltem veneratione depraedicentur. Maius sane audaciae

ciae crimen forem subiturus, si in
praesentia maxima ista beneficia,
quae TV, DOMINE PER-ILLV-
STRIS EXCELLENTISSIME,
que in familiam nostram contulisti
et adhuc benignissime confers, recen-
senda sumerem, ita enim illorum quan-
titas me obrueret, ut, unde exordien-
dum esset, ubi finiendum, ipse prope-
modum nescirem. Qua de causa haec
omnia silentio potius inuoluo, eaque
deuotissima veneror mente; Id saltem
humillime rogans, velis, DOMINE
PER-ILLVSTRIS atque EXCEL-
LENTISSIME, has ingenii mei
primitias, quas TIBI iam supplex of-
fero, in TVAM Tutelam ac Patroci-
nium suscipere, Gratia TVA et splen-
dore iis lucem affundere, eademque
Gratia, qua Parentem suscipis, meam
quoque tenuitatem benignissime di-
gnari. Seruet TE Deus, DOMINE
PER-

PER-ILLVSTRIS atque EXCEL-
LENTISSIME, in seros vsque an-
nos ab omni morborum ac fortunae
aduersantis impetu sartum tectum-
que, quo sub regimine TVO floreat
Patria dulcissima, fulgeat PER-
ILLVSTRIS atque EXCELLEN-
TISSIMA GENS BVNAVIO-
RVM, Patrocinio TVO ac Clemen-
tia fruantur clientes! Ita precatur,
ita vouet

PER-ILLVSTRIS ATQVE EX-
CELLENTISSIMI NOMINIS
TVI

cliens humillimus

IOANNES CHRISTIANVS Sommer.



Q. D. B. V.

CAP. I.

DE

LOCATIONE IURISDICTIONIS IN GENERE.

§. I.



Sum Locationis Conductionis *vsus Locat.*
licet ad abusum vsque, circa *Conduct.*

omnis paene generis res, in ter-
ris Germaniae vigere videamus,
tamen vsus eius in locatione
incertorum reddituum est fre-
quentissimus, quippe qui frau-
dibus administrantium maxime

sunt obnoxii, proinde longe vtilius videtur, istos sub
certis mercedibus locari, quam pro sumtuosis stipendiis
aliorum administrationi concedere; Maior enim vtili-
tas expectanda, si quis curam rei sibi conceditae, non

A

vt

*Fin Defini-
tio.*

vt alienae, sed quasi propriae suscipiat. SECKEND.
in Teutschen Fürsten-Staat P. 3. Cap. 2. §. 5. in notis.
AMELVNG *de Loc. Conduct. Rei Dominicae.* Est autem
Locatio Conductio: Contractus consensu initus, de
vsu rei vel personae opera, pro certa mercede conceden-
da. Diuiditur in Locationem rerum et operarum; Li-
cet equidem hae duae locationis species iisdem fere ni-
tantur regulis, tamen in effectu quodammodo differunt:
Quod nempe Locatio rerum facilius transcat ad hae-
redes, quam operarum, et quod in Locatione operarum
quandoque maior praestanda diligentia. *l. 13. §. 5. l. 25.
§. 7. ff. de Locat.*

§. II.

*Quid locari
sit.*

Veniunt in hunc Contractum res omnes commer-
ciis hominum non exemptae *l. 34. §. 1. ff. de Contrah.
Emt.* siue sint corporales siue incorporeales; Licet equi-
dem hae solo cohaereant, modo ad vtilitatem personae
simul sint concessae; siue sint Allodiales siue Feudales.
Est enim feudum vsusfructus generatim accepti species
II. feud. 9. §. donare. VVLTEL. I. de Feud. C. 2. n. 9.
Nec transfertur Dominium per Locationem *l. 39. ff. de
Locat.* Quin imo ad longum, locari feudum potest,
tempus *II. feud. 9.* quia generaliter hic textus loquitur
v. *LYDWELL. in Synopsi Iur. Feud. p. 306.* neque ad hoc
ut Locatio rei feudalis valeat, aliud quid requiritur, quam
vt non sit fraudulenta. v. *ANTON. Disp. Feud. 9. th. 3.*
Et videntur contrariae opinioni accedentes, erroneo niti
principio, ac si vtile Dominium hoc ipso transferatur;
Id enim si fieret, vtique sine subinfeudatione eiusmodi
locatio non procederet: Imo feudo ante finitum tem-
pus locationis aperto, non tenebitur Dominus, locatio-
nis

his contractum adimplere v. ANTON. l. c. Praeterea Obiectum Locationis constituunt res ad fiscum vel Rempubl. pertinentes, siue sint corporales, vt praedia Ciuilia et fiscalia, de quibus in *l. T. C. de Locat.* siue incorporales, cuiusmodi sunt omnes fisci redditus, vectigalia quoque variis de rebus soluenda. *L. 17. §. 1. ff. de V. S.*

§. III.

Seruitutes vero Reales nisi cum fundo cui cohaerent, locari non possunt; *L. 44. ff. de Locat.* Tum quia rebus inhaerent et perse non existunt, et nemo seruitutem Urbani vel Rustici praedii acquirere potest, nisi qui habeat praedium, *§. 3. l. de Seru. Rust. et Urban. praed.* Tum quia est de Substantia huius contractus, vt fiat ad tempus, quod harum seruitutum Naturae contrarium censent, per *L. 4. ff. de seruit.* Eandem quoque deprehendimus dispositionem in Iure Can. de Iure Patronatus, quod sine fundo cui cohaereat illud vendi non possit, ergo nec locari idque ex ratione a seruitutibus aliena, quod nempo Ius Patronatus sit spiritali annexum *Cap. 16. X. de Iure Patron.* STRYCK. *caut. Contr. Sect. 2. C. 9. §. 12.* ZIEGL. ad *Lancell. L. I. t. 28. §. 13.*

§. IV.

Ex his paulo penitius consideratis, quilibet facile colligere poterit, Iurisdictionem hodiernam, prout in foris Germaniae hodie exercetur, obiectum esse Locat. Conduct. inuita natura Iurisdictionis Rom. Quo autem haec nostra assertio eo possit esse euidentior, non abs re fore credimus, si in naturam huius nostrae hodiernae Iurisdictionis accuratius inquiramus, eamque a falsis conceptibus liberare allaboremus. Est autem hodierna

Recte tamen locatur in iud. hodierna

Etque definitur.

dierna Iurisdictionis in genere considerata: Potestas in omnibus causis Iudicialibus, tam Ciuilibus quam Criminalibus, cognoscendi, sententionandi, sententiasque exequendi, beneficio Principis regulariter concessa. Ad omnem Iurisdictionem haec tria iam recensita necessario desiderantur requisita, et vno alteroque ex his deficiente, semper defectu quodam laborabit Iurisdictionis. Quemadmodum enim carnifex qui ius habet sententias capitales exequendi, non dici potest Magistratus, ita etiam iste qui habet ius cognoscendi tantum, non dici potest habere Iurisdictionem. Summa Iurisdictionis diuisio abit in Patrimoniale et Personalem, haec tanquam officium personae conceditur, et cum ea expirat; Illa autem est ius exercendi Iurisdictionem in certo quodam districtu, a Principe in Proprietatem subordinate concessum, et est aut in Patrimonio Vniuersitatis aut in Patrimonio privati. Nomine *patrimonialis* ista venit, quod in haeredes aut posteros transmittatur, et vti aliae res, in bonis esse, certoque pretio aestimari solet: *daber werden die Gerichte bey Ritter-Gütern und Herrschafften um ein Gewisses angeschlagen*, vid. PAVRMEISTER *de Iurisdictione*. L. 2. c. 20. MYLER. *de Princ. et Stat. Imp.* c. 48. §. 15. Diuiduntur istae duae species Summae in Ecclesiasticam et Secularem, haec ad causas et personas seculares spectat, illa autem Ecclesiastica nempe causas Ecclesiasticas et Clericos concernit, exerceturque apud nos per Consistoria, non tamen necessario, vti putat CARPZOV. *in Iurisp. Eccl.* L. I. def. II. Vnde et Dominos minus amplo territorio instructos, Consistoriales saepe causas Regimini suo vindicare nouimus; Licet in honorem ordinis

nis Ecclesiastici, vbi semel ista separatio fuerit admissa, eandem haud improbandam censeamus; Ecclesiastica differt a Seculari, non ratione concedentis, sed ratione obiecti. Diuiditur Secularis porro in Ciuilem et Criminalem.

§. V

Tot fere sunt modi Patrimonialem acquirendi Iurisdictionem, quot rerum vel iurium aliorum, MEV. *Quomodo acquiratur Patrimonialis Iurisdict.*
P. IV. Dec. 292. fierique id solet, aut per Inuestituram, *Land - R. L. 3. a. 52.* aut per Praescriptionem, aut aliquocunque titulo. Non enim per Inuestituram tantum ista conceditur; inuenitur enim eadem in Allodiis Nobilium per totam fere Sueuiam, tractum Rhenanum; Franconiamque, teste GVNDLINGIO *ad Digesta p. 149.* Prout apparet ex sequenti concessione Banni a Ruperto Caesare, Conrado de Rosenberg, sine vlla mentione feudi, facta: *Haben In erleubet und gegunnet, erlauben und gönnen In in crafft diß Brieffs und Rom. Königl. mechte das Sie in irem Dorff zu Sween und in sinem Begriffe Schulteissen und Scheffen, und nemlich ein Hals - Gericht, Stoke und Galgen daselbs Furbassermere ewiglich haben und auch mit demselben Gericht richten und gefaren sollen und mögē, als das in andern Gerichten daby Gewonheit ist etc.* vid. SCHILTER. *ad Ius Feud. Alem. C. 42. §. 29.* Licet equidem Imperator olim solus Iurisdict. Criminalem in feudum dare potuerit *LR. L. 3. a. 64.* tamen vi Superioritatis territorialis omnibus statibus Imperii et immediatis haec potestas hodie in suis territoriis iure competit, nisi exceptio specialis doceri queat. Si per Praescriptionem acquiratur Iurisdictio, non immemoriali opus est tempore,

re, sed sufficit tempus praescriptionis ordinarium in Germania praefixum, quia ea non est species referuatorum Principis. Concedimus equidem, ea quae iam diximus, Iure Romano non obtinuisse, an autem Iure Germanico hac in parte adhuc Romanorum tradita obtineant, illud merito negamus: Erat enim Iurisdicctio Romana nihil aliud, quam publica functio Personalis, vid. HVBER. in *Praelect. ad Tit. de Iurisd.*; Minime vero in Patrimonio priuatorum, et proinde non poterat praescribi: Cum autem iure atque consuetudine illa, maxima ex parte in foris Germaniae facta sit Patrimonialis, vtiue de iis quae diximus, non erit dubitandum; Eoque magis, cum sententiam nostram per *O. Crim. a. i.* sequentibus in verbis confirmatam videamus: *Wo aber erliche von Adel solche Gerichte von alten Herkommen biß anhero eigener Persohn besessen, wollen wir, daß die selbige hinfürter auch ohne fernere Weigerung besitzzen, und solch Herkommen und Gebrauch in ihren Krüfften und Wesen bleiben sollen.* Et impossibile foret, plerisque Iurisdictionem exercentibus, alium suae Iurisdictionis edere titulum, quam Praescriptionis.

§. VI.

*Tam Secularis
quam Ecclesia-
stica potest ef-
se Patrimo-
nialis.*

Non tantum autem Secularem, verum etiam Ecclesiasticam in patrimonium dari a Principe posse Iurisdictionem, facile apparet, siue originem eiusdem, siue praesentem illius inspiciamus statum. Non enim primis a Seruatore nato seculis forum habuerunt Episcopi aut specialem Iurisdictionem, sed ipsi misero adhuc Christianorum statu, arbitrorum modo, lites inter Christianos obortas, amice componere conabantur; postea sub

sub Constantino M. cristas erigentes ab Imperatoribus delegabantur ad audiendas quorundam causas, unde Episcopalis audientia dicebatur, non tamen exclusa Imperatoris Iurisdictione, vid. EVSEBIUS *in vita Constant. M. L. 4. C. 24.* Sub Iustiniano autem et Germ. Impp. haec Notio Episcoporum sensim in Iurisdictionem imo Principalem dignitatem ac potestatem excrevit MYLER. *Archol. Princ. Imp. C. 12. '13. et seqq.* CONRING. *de Constit. Episc. Germ.* Sed immutata haec facies Potentiae sub pallio Sanctitatis ventilatae, per Pacificationem Religiosam *de an. 1555. et I. P. 10. a. 5. §. 30. et a. 8. §. 1.* dum ad territoriorum Dominos Iure Superioritatis ius Sacrorum rediit. Quo iure igitur Principes hodie Secularem priuatis in patrimonium dant Iurisd., eodem quoque concedere possunt Ecclesiasticam; Quod etiam aliqua ex parte iam factum esse, testantur, *die geistlichen Vnter-Gerichte*, quibusdam locis concessa, conf. Excellentissimus DOHNDORF. *disp. de iurisd. Ecclesiast. Cap. 3. §. 11.* coram quibus causae Ecclesiasticae parui momenti tractandae, quorum etiam mentionem facit SECKENDORFF. *in teutschen Fürsten-Staat P. 2. C. 11. §. 3.* Cum autem haec ad singularia saltem priuilegia rarissime concedi solita sint referenda, merito hanc cum seculari non miscemus.

§. VII.

Potius de distinctione Iurisdictionis Secularis in *Distinct. Secular. Iurisdic.* Altam et Bassam erimus solliciti, eoque magis, cum videamus, alium in vno eodemque loco habere in Patrimonio *in Altam et Bassam.* *die Ober-Gerichte*, alium autem *die Nieder oder Erb-Gerichte.* Illa appellatur Criminalis, haec Civilis;

lis; Quae ideo hoc insigniuntur nomine, quia ad Ciui-
lem, omnes causae Ciuiles et Pecuniariae, quae ex Cau-
fis Criminalibus non proueniunt, leuioraque delicta
*Schläge, braun und blau, eine Deube die unter drey
Schillingen*, id est *weniger denn 4. ggl.*, referuntur; Ad
Criminalem autem potissimum ea spectant, *was an
Haut und Haar gebet, oder Blutfließende offene Wun-
den etc.* Vtriusque autem Speciei vltiorem determi-
nationem suppeditat Resol. Grau. de an. 1555. tit. *was
zu Ober- Nieder- oder Erb-Gerichten gehörig.* Quia
autem omnes casus non continentur in hac Constit.,
vbi apparet ex eiusdem verbis: *Alle solche und derglei-
chen*, Iudicis est officii, vt ex Casibus verbotenus recen-
sitis, ex identitate Criminis, ex personarum conditione,
aliisque circumstantiis de similibus iudicet, cui nor-
mae loco inferuire poterit Responsum Scabin. Lipf.
quod deprehenditur in CARPZ. *Crim. quaest. 109.* Ma-
xime autem in his determinandis cuiusque loci con-
suetudines sunt inspicendae. SECKENDORFF in
Teutschen Fürsten-Staat P. 2. C. 9. §. 8.

§. VIII.

*Non praesu-
mitur esse in
Patrimonio
Iurisd.*

Licet equidem huius iam recensitae Iurisdictionis
vna vel altera species in omnibus Ciuitatibus pagis-
que exerceatur, tamen in neutrius praesumuntur esse
Patrimonio, nisi doceri possint tituli acquisitionis, quo-
rum in §. 5. mentionem fecimus. Eoque magis haec
praesumptio contra minores Ciuitates obrinebit, cum
adeo videamus maioribus nullam olim competiisse Iu-
risdictionem. Notum enim est, multas Ciuitates, quae
Ius Ciuitatis licet habuerint, tamen post multorum de-
cem annorum interuallum Iurisdic. accepisse, vid.

*olim enim Ci-
uitates pluri-
mae nullam
habuere.*

von

von Robr Haußhaltungs-Recht L. 3. C. 8. §. 2. Et etiamnum hodie dari Ciuitates, quae nulla gaudeant Iurisdictione, uti patet ex CARPZ. P. 3. Consl. 3. Def. 21. qui Senatui Wahrenbrucensi neque superiorem neque inferiorem competere Iurisdictionem refert. Quamobrem etiam testamentum coram eodem Senatu conditum, ut eius fide et auctoritate conseruaretur, inualidum declaratum est, teste CARPZOV. c. 1. ; quam ob causam CARPZOVIVS existimat, rarissime magistratui in paruis oppidis Iurisdictionem competere. Praeterea WECKIVS in Chron. Dresl. Tit. 6. Part. 4. de nostra Saxonia notat, quod ante annum 1428. nemo Statuum Prouincialium Iurisdictionem Superiorem Patrimonialem Iure exercuerit. Idem Part. 2. Tit. 4. notat: Quod Marchiones Misniae Iurisdictionem in Urbem Dresdam ipsi administrandam curauerint. Quin imo si antiquiorum temporum monumenta inuestigemus, deprehendemus, fuisse olim German. Imperatoribus solenne, ut perpetuos Iudices, a Senatu plane separatos, ciuitatibus imponerent. Documento huic assertioni esse potest, celeberrima Norimbergensium Vrbs, prout testatur sequens concessio Iurisdictionis a Ruperto Caesare Cui Norimbergensi facta: *Wir Ruprecht etc. Bekennen etc. das wir von besunder Gnaden und Rom. Kuniglicher mechte von betwegen des Rates der Stadt zu Nurnberg unser und des Richs lieben Getruwen den Panne uber das gerichte zu Nurnberg verliehen haben, und verliben in Krafft dis brieffs unserm lieben getruwen Bertholden Pfintzing, Burgern zu Nurnberg. Mit Urkunden dis brieffs versiegelt mit unser kuniglichen Majestät Insiegel. Geben zu Collen nach Crists gepurt in den 1401. jare uf der*

B

Heil.

idque probatur Exemplo Ciuit. Wahrenbrucens.

Testimonio Weckii

Urbis Dresdensis

Norimbergensis

Lipsiensis.

Heil. dryer Kunige tage etc. vid. SCHILTER. *ad Ius Feud. Alemann.* p. 263. Perhibent etiam de Lipsia PEIFFER. *L. 2. §. 2. Rerum Lipsiens.* p. 126. et SCHNEIDER. *in Chron. Lips.* L. 5. p. 225. *seqq.*; Quod primi Lipsiens. Iudices seu Sculteti et Praetores, non modo perpetuam Iudicandi potestatem, sed et veluti fiduciariam ab Imperatoribus sibi ita datam possederint, ut ad stirpem quoque illorum virilem Iurisdict. haereditariae exercitium descenderit, eaque deficiente ius caducum ad Principem demum redierit, qui deinde illud pro arbitrio alii, sub eadem ratione, tam gratis quam pro certa pecuniae summa, concessit. Exemplum de hoc extant apud SCHNEIDER. *c. l.* Idque Lipsiae duravit ad annum usque 1434. ubi Elector *Fridericus II* cognomine *Placidus* Iurisdictionem superiorem intra et extra urbem, usque ad Weichbildum siue fines Ciuitatis, Senatui et Ciuitati Lipsiensi pro tribus millibus aureorum Rhenensium sub pacto retrouenditionis vendidit; Quam demum Georgius Dux Saxon. anno 1506. denuo solutis tribus millibus aureorum Rhen. penitus in patrimonium eis dedit. SCHNEIDER. *c. l. p. 228* Nos iam non prolixiores erimus in recensendis exemplis; licet enim plura adhuc prostant, plurima tamen incertitudine laborant. Ablegamus potius Lectorem Beneu. ad CONRINGII *Dissert. de Iudiciis Reip. Germ.* §. 87. ubi inquirat, quando et quomodo Iurisdictione translata sit ad Ciuitates et Nobilium praedia: ut et ad SECKENDORFF *in Teutschen Fürsten-Staat* P. 2. C. 9. §. 3. qui existimat, initium eiusmodi concessionum seculo demum XIII. factam esse.

§. IX.

Nec id mirandum, si differentiam officii Magistratus Ciuitatis et Iurisdictionem habentis perlustramus. Incumbunt enim Magistratui Ciuitatis ea tantum, quae ad Politiam spectant, ac delictorum quae illam turbant cognitio, executio autem à Praefectis est peragenda, nisi per speciale Ius Magistratui concessa sit Iurdictio. Habent equidem Magistratus Urbani Iurisdictionis umbram, non vero Iurdict. ipsam. Possunt enim Decreta atque Statuta de rebus Ciuilibus in *Policey-Sachen* condere, administratores eligere, et annuas praestationes atque collectas exigere, habentque modicam coercionem contra contumaces et negligentes, quae potissimum consistit in iure mulctandi ad certam vsque quantitatem, item arrestandi et incarcerationi, *Arrest und bürgerlicher Gehorsams-Zwang*, de quo iure mulctandi minus erit dubitandum, cum etiam Collegiis Opificum notio quaedam et coercitio concessa sit. v. CARPZ. ad *Proc.* 2. 3. 83. SCHILTER. *Exerc. ad ff. VI. §. 22.* Vtleriusque determinatur eorum officium in *Weichbildo art. 19. 42. et 43.* Quod maxime ex sequentibus verbis *art. 19.* latius apparet: *Ein Burgermeister hat die Gewalt, das er richten mag über allerhand falsche Maass und unrechte Waage, und unrechte Scheffel, und über allerhand falschen Speise-Kauff, und über die Becker, die klein Brod verkauffen, oder die Fleischer, die ungebs Fleisch, und über Vorkäuffer, oder Marck-Hoecken, das sie rechten Kauff geben, und misstbut ihn einer wider ihr Gesez, der vvetet darumb Haut und Haar, oder eine Windische Marck (das sind 30. Schillinge) solches damit zu loesen. Ihr Geseze ist, wenn*

Differentia Magistratus Ciuitatis et Iurisdictionis.

man einen Schaub auf dem Marckt steckt, so sollen die Marckt-Hoecken nichts mehr kauffen, das sie fürbass verkauffen wollen etc. Quae ultra ista ascendunt, istis erunt vindicanda, qui Iurisdictionem in tali loco exercent.

§. X.

*Multo minus
in Pagis Ca-
strisque illa
praesumitur.*

Ea quae iam de Ciuitatibus in medium protulimus, etiam ad Castra pagosque applicanda esse, certissimum est, cum nec essentiae fundi aut Iurisdictionis repugnet, ut alius fundum, alius Iurisdictionem in illo habeat; Praestat enim fundus suas utilitates etiam sine Iurisdictione. Nec existimet quispiam, ideo praesumptionem quandam Iurisdictionis pro illis militare, quod antiqui Germani potestate Dominica in seruos suos fuerint vsi, extincta enim conditione seruili subditorum, extincta etiam censetur eorum obligatio, qua Dominis suis obstricti erant. Praeterea etiam aliud est Iurisdictionem exercere, aliud disciplinam domesticam. Et proinde in multis adhuc deprehendentes fundis pagisque, alium esse *der Gerichts-Herr* alium esse *der Lehn-oder Erbzinss-Herr*, atque ad constituendam hypothecam in immobilibus subditorum vtriusque consensum requiri, quam distinctionem etiam obseruat O.P.S.R. Tit. 46. §. Würde. Quomodo autem et quo titulo Iurdictio ad plerosque peruenit fundos, de omnibus non constat; De Bauaria distincte occasionem refert ADLZREITER P. I. L. 25. §. 26. Quod scilicet seculo demum XIV. instante bello Vngarico Dux Otto pro pecunia conficienda Iurisdictionem Nobilibus et Ciuitatibus concesserit, non quidem omnem, sed ad ius, aes multalitium in suum conuertendi vsu; quod etiam probat SECKENDORFF *im Teutschen Fürsten-Staat*.

P. 2.

P. 2. Cap. 9. ad §. 3., qui existimat, anno 1311. idem obtigisse.

§. XI.

Cessabit autem haec contra Ciuitates pagosque iam allegata praesumptio, si speciali lege aut consuetudine Iurisdictio illis propria facta; Prout constat de Ciuitatibus Ducatus Wurteobergici, quippe quae ex speciali Principis sui concessione Iurisditionem possident et exercent, *per Statut. Ducal. Wurtemberg. P. I. fol. 49.* MYLER ab EHRENBACH *de Princip. et Stat. Imperii pag. 446.* Vt et de Ducatu Mecklenburg. et Pommer. de quibus MEVIVS *P. 2. Dec. 314.* testatur, Iurisdict. cum istis fundis coniunctam esse, quos Princeps in feudum dat.

Quando haec Praesumptio cessat.

§. XII.

Cum igitur certe sumus persuasi, nos finem istum attigisse, quem nobis supra in §. 4. proponebamus, non dubitamus, ex iam dictis satis patescere, utramque Iurisditionis Speciem, tam Patrimonialem quam Personalem, vendi, pignori dari, Locarique posse. Nec destituimur exemplis, quibus probemus, Iurisditionem quondam locatam fuisse, et adhuc hodie referri inter res locari solitas. Conuertemus nos tantum Dresdam, *probatum exemplo Ciuit. Dresdensis.* duce WECKIO in *Chronico Dresd. P. I. Tit. 4. et* MVLLERO in *Annalibus pag. 13. 23. 49.* ubi deprehendimus, Senatui istius Ciuitatis olim neque inferiorem neque Superiorem competiisse Iurisditionem, sed inferiorem demum an. 1425. illi a Friderico Marchione Thuringiae et Misniae, filio Balthasaris Landgraffii Thuringici, ad tempus locatam esse, uti ex ipsis verbis Contractus a WECKIO c. l. adductis colligi potest.

Cuius Iurisd. termini ab Electore Friderico II. et fratre eius Wilhelmo Duce Saxoniae 1444. postmodum sunt extensi. Tandem autem ab Ernesto et Alberto Electore Ducibusque Saxoniae, Superior et Inferior Iurisd. *um sonderlicher Bequehmlichkeit willen etc. die Gerichte über Hals und Hand, Oberst und Niederst in Stadt und Vorstädten etc. etc.* vti sonant verba, an. 1484. titulo Locationis huic Senatui concessa. Vnitis postea duabus Ciuitatibus, Dresda nempe Noua et Vetere, Elector Mauritius Senatui tam Superiorem quam Inferiorem Iurisd. permisit, et quidem priorem iterum locato, in vtramque Ciuitatem pagosque circumiacentes, concessa simul potestate Weichbäddum erigendi; Quae tandem potestas, a Ioh. Georgio II. Elect. Sax., huic Senatui titulo oneroso in patrimonium tradita est. Idem testatur Kressius de Helmstadio suo in *Notis ad art. 2. §. 15. O. Crim.* quod Criminalem Iurisd. haec Ciuitas locationis iure exercent. Aliud quoque Exemplum adducit STRYCK. in *V. M. Lib. 19. §. 54.* de Senatu Urbis C., qui Iurisd. Superiorem et Inferiorem pro annuo Canone 50. Ioachimicorum et Canone haereditario *dem Erbstands Geld* 500. Ioachim. concessam habet. Vidimus iam exempla Iurisd. Personalis a Principe locationis titulo concessae; Videbimus etiam, an Patrimonialis ab iis, qui eam in suo habent Patrimonio, locari possit? De quo minime erit dubitandum, si modo considerauerimus, eam esse patrimoniam, ac eodem modo, quo alia priuatorum iura in commercium venire, praescribi, vendi, oppignorari, aliisque modis transferri; Quidni etiam locari? BEYER. in *Delin. Iur. Germ. Cap. 4. L. 1. §. 12.*; Hancque locationem procedere

Helmstad.

Urbis C.

dere non tantum cum fundo, cui illa cohaereat, sed etiam sine eo. Quae omnia vel exinde apparent, quod isti, qui Iurisdictionem in patrimonio habent, eam non ipsi administrent, vti olim factum, vid. BEYER. *c. l. §. 16.* quod et de iure fieri debuit *O. Crim. a. 1.* Sed plurimos eiusdem actus per actuarios expedire teneri, qui plerumque simul sunt officiales seu *Gerichts-Verwalter*, conf. BARTHII *dissert. de Iurisd. quam Personae Illustres et Nobiles per officiales exercent.* Praeterea per *Dec. El. 73.* Dominis Iurisdictionis permissum, exercitium Iurisdictionis penitus in alium transferre.

§. XIII.

Potest quidem Iurisdictione in Patrimonio personarum alias inhabilium, literarum et doctrinae Iuris expertum, foeminarum, infantum et similium esse BEYER. *c. l. §. 12.* non vero ab iis administrari, sed illo casu ab officiali *von einem Gerichts-Halter* est expedienda *O. P. S. R. Tit. 2. §. 1.* Quamvis alias haec potestas Domino Iurisdictionis, si iuris sit gnarus: *Wenn er im übrigen denen Rechten gemäß verfähret*, vti loquitur *Dec. El. 39.* quoad plurimos actus Voluntariae Iurisdictionis fuerit concessa. Quicumque vero non potest esse officialis, ille nec conductorem Iurisdictionis agere potest. Quidam enim illorum prohibentur, quidam impediuntur officialis munere fungi; Ad hos referendi sunt ii, qui non gaudent requisitis ad officialem necessariis, quae praescribuntur cit. *O. P. R. §. 1. et 3.* Prohibentur vero officialis munere fungi, Praefecti eorumque actuarii per *Mandat. Regium de die 10. Ian. 1696. daß die Beamte keine Gerichts-Bestellung etc.* Cuius dispositionis ratio ex huius mandati apparet lectione; Prohibentur porro ad officia-

Qui possit conducere Iurisdictionem.

ficialis munus admitti, qui extra territorium nostrum habitant per *Mandat. Reg. de die 7. Sept. an. 1722. dass keine Persohnen die in fremden Territoriis wohnen, zu Gerichts - Haltern und Actuarien anzunehmen.* Quamobrem eiusmodi personae semper vt illegitimi a Conductione Iurisdictionis in Saxonia nostra Electorali repellendi. Omnia autem iam dicta intelligenda de istis Conductoribus, qui ipsi exercitium Iurisdictionis locatae suscipere volunt, non autem de aliis, quippe qui legitimos constituere tenentur officiales.

§. XIV.

Locatoris personam repraesentare potest. nam Princeps

Ex his iam dictis apparet: non tantum Principem, sed etiam priuatum locare posse Iurisdictionem. Posteaquam vero istae Ciuitates, quae olim Iurisdictionem Locationis titulo exercuerunt, maxima ex parte iure patrimoniali illam hodie possident, penes Praefectos solos, plerumque a Principe conductae mansisse videtur exercitium, quibus hodie a Principibus administratio Iustitiae et Oeconomiae, in certo quodam districtu, qui Praefectura nominatur, saepius locationis titulo conceditur. Institui autem solet haec Praefecturae locatio, praeuia notificatione publica, quam demum in termino licitationi praefixo, licitatio sequitur, et plus pensionis nomine licitanti, optimamque cautionem offerenti, Praefectura ad certum annorum numerum conceditur. Quibus vero sub conditionibus haec concessio fuerit facta, ex literis super hac re confectis *aus denen Amtmanns - Bestellungen* colligendum. Praeter requisita autem Praefectorum externa iam recensita, etiam interna probe sunt exploranda; Quae autem talia sint ex *Resol.*

Int. Graum. de an. 1661. Tit. von Iustitien-Sachen: §. 40.
et ex O. P. S. R. Tit. 2. §. 2. apparet.

§. XV.

Locatio Iurisdictionis a priuato facta, aut cum fundo cui cohaeret, aut sine eo fieri solet, vid. STRYCK. *Quam Priuatus,*
V. M. L. 19. Tit. 2. §. 67. recipit enim diuisionem a fundo, vid. HVB. *in Praelect. ad Tit. de Iurisdic.* Locato autem fundo in genere, non etiam locata censetur Iurisdicatio, vid. STRYCK. *in Cautel. Contract. sect. 2. censetur Iurisdicatio.*
c. 9. §. 11. STRVV. Synt. Iur. Feud. c. 6. aph. 18. n. 4. dissentiente licet CARPZOV. *L. 5. Resp. 15.* qui tamen sibi ipsi contrariatur in *disp. Feud. c. 4. §. 24.* Et applicanda hic regula: Quicquid non expressum, non praesumitur concessum. Neque hic admittenda argumentatio a Iure Patronatus ad Iurisdictionem. Concedimus enim, ex Dispositione Iuris Canonici, fundo locato etiam Ius Patronatus tacite concessum censendum, *Cap. VII. X. de iure Patron.* ratio enim Iuris Canonici, cuius ductu illud ita sancitum, et quae *Cap. XVI. X. eod. tit.* deprehenditur, maxime a Iurisdictione differt, cum nulla spiritalis coniunctio pro ea militet. Semper igitur Iurisdicatio expresse locanda, cum ne vendito quidem fundo, simul vendita censeatur Iurisdicatio; Conceditur enim eadem praecipue in fauorem et Vtilitatem Dominorum fundi, et per accidens huic tantum cohaeret, estque praedium aeque a Iurisdictione distinctum, ac ipsa Iurisdicatio a iuribus territorialibus, et infrequens non est, ut in Prouincia aliqua vnus habeat possessionem ac Vsumfructum loci, alius *die Lands-Fürstl. Obrigkeit*, tertius *die Landes Hobeit*, quartus *die Wild-Bahn*, quintus *die Fürstl. Obrigkeit*, sextus *die hohe Fraiß und Cent,*

*Locata Iurisd.
omnes species
eius locatae
sensusantur.*

Cent, septimus die Vogtey und Erb-Gerichte. CASP. LEOPOLD. de concurrente Iurisd. Sed alia hic nobis se offert quaestio: an nimirum: Iurisdictione in genere locata, omnes ejusdem locatae censeantur species? Quam utique affirmandam ducimus, ne confusiones Iurisdictionis exinde oriantur, si Locator, qui Conductori ius suum concessit, cum eo illud exercere vellet, ac imputeret sibi locator, quod legem contractui non dixerit apertiorum *l. 39. ff. de Pactis*. Praeterea etiam semper vtilius meliusque, si Civilis et Criminalis coniuncta sit Iurisdictione. In quantum autem Conductor Locatori, et Locator Conductori obligatus sit, sequentia docebunt.

CAP. II.

DE IVRE LOCATORIS.

§. I.

*Si Princeps est
Locator uti-
tur iure Fisci
contra Con-
duct.*

POSTquam igitur in praecedenti Capite satis superque demonstravimus, tam Personalem quam Patrimonialem Iurisdictionem, verum Locationis Conductionis obiectum constituere, paucis adhuc inquiremus, in quantum Locatori Conductor, et Conductori Locator sit obligatus, et quantum Iuris utriusque contrahentium eiusmodi inito perfectoque contractu acquiratur; Iura Locatoris praefens sistet caput, conductoris autem Iura ex sequenti apparebunt Capite. Quemadmodum autem iam in praecedenti capite distinximus inter Iurisdictionem Patrimonialem et Personalem, et monstravimus hanc speciem tantum a Principe locari: ita etiam ante omnia videbimus, quo iure Princeps contra
eius-

eiusmodi Conductorem uti possit? Vbi praecipue obseruanda veniunt iura fisci, quibus Conductor se subiicere tenetur, et ipsum Principem habere iudicem, eosque quibus Princeps hoc commisit *l. 1. C. ubi causae fisci*. Qui autem hodie tales sint, ostendit SECKENDORFF *in Teutschen Fürsten-Staat P. 3. Cap. 4.* coram quibus Princeps non solum conductorem conuenit, sed etiam a Conductore est conueniendus. Quamuis fateamur, plurima iura Fisci, quae iure Romano obtinuerunt, parum utilitatis hodie habere, cum Principes de sufficienti cautione prospicere sibi soleant, maxime quoad ius Tacitae Hypothecae in bonis Conductoris lubricum saepius et incertum, eoque magis in Saxon. Electorali, ubi per emendatam Processus Ordinationem sublato hoc in genere, etiam respectu Conductoris id sublatum censendum. Reliqua autem Priuilegia, quibus Princeps contra Conductorem uti possit, sollicitè concessit AMELVNG *de Locat. Cond. Rei Dominicae Cap. V.* Inter quae tamen illud non referendum, quod in *l. 11. §. f. ff. de Public. et vect.* continetur, ubi eiusmodi conductores finito Conductionis tempore, si ex priori conductione locupletiores existant, nihilominus compelli possunt, eam denuo prioribus pensionibus suscipere, si non existat alius, qui sub eadem pensione eandem subeat, cum videamus illud in *l. 3. §. 6. de iure Fisci* expressis verbis prudentissime sublatum, ne scilicet hoc ipso alii deterreantur, ad eiusmodi contractum subeundum.

§. II.

His missis inspicemus potius iura communia Locatoris Iurisdictionis, siue ille sit Princeps, siue priuatus. Vbi ex natura Locat. Conduct. obseruandum, *Iurisdictione nomine Locatoris est administranda.*

C 2

dum,

dum, penes eum locatam manere Iurisdictionem, eumque eius retinere proprietatem, et conductorem non suo, sed Locatoris nomine illam administrare teneri; Non enim data est Conductori Iurdictio, sed saltem vsus eiusdem ei concessus. Latius id docet *Cap. 3. §. 4.*

§. III.

*Exigere potest
mercedem a
Conductore.*

Quemadmodum autem hic vsus non gratis conceditur, sed pro certa mercedis praestatione: ita ius habet illam a Conductore exigendi, et quidem si in singulos annos sit definita, circa finem singulorum annorum id fieri potest. *a. l. 29. ff. de V. O. BERGERI Oeconom. Iuris L. 3. Tit. 5. §. 24.* videtur enim haec contrahentis Locatoris fuisse voluntas, ut loco fructuum Iurisdictionis, quos per singulos annos ex re sua percipiendos habet, mercedem accipiat. Quod si autem à contrahentibus nulli certi praefixi sint termini, in quibus merces solui debeat, Locator non prius, quam finito Locationis tempore mercedem exigere poterit BERGER *c. l.* nisi per consuetudinem regionis aliud sit introductum *l. 34. ff. de R. I.* Non solum autem Conductorem obligatum habet ad soluendam mercedem totius temporis, si per totum praefixum tempus locata vsus fuerit Iurisdictione: sed etiam si negligentem se exhibuerit in illius administratione, quin imo eam penitus sine iusta causa intermiserit. *l. 55. §. f. ff. de Loc. Cond.*

§. IV.

*Priuari potest
Conductor Ex-
ercitio Iuris-
dict. si officio
suo non satis-
faciat.*

Omnia autem reliqua Conductor secundum legem Contractus inter se et Locatorem initi observare tenetur *l. 29. §. 2. ff. Loc. Cond.* et si id non fecerit, ad officium suum a Locatore adigi poterit, quin imo exercitio Iurisdictionis, ante tempus in contractu praefinitum, priuari *l. 3. C. Loc. Cond.* hoc enim sine inita censetur Locatio, ut Iurisdictionis

ctio maneat inuiolata, et iustitia obseruetur, eoque magis, cum non Locatoris tantum sed etiam Subditorum utilitas in eo versetur. Coeterum in hac conductoris erga Locatorem obligatione determinanda, ad scripturam, quam super hoc negotio conscribere, est recurrendum, aut ex Pacti Contractui adiectis controuersia definienda; Quae autem talia sint, a prudentia Locatoris dependet, qui optime fecerit, si umbram quandam potestatis sibi adhuc reseruet, ne penitus priorem, quam in subditos habebat, abdicasse videatur Iurisdictionem. Exemplum talium reservationum exhibet *Ill. von ROHR in Haushaltungs - Rechte L. 1. C. 4. §. 6.*

§. V.

His igitur ita constitutis Conductor, qui emolumenta locatae percipit Iurisdictionis, etiam onera eiusdem, si *Conductor onera Iurisdictionis ferre tenetur.* aliud pacto non determinatum, suscipere tenetur. Quamobrem obligatus est 1) ad impensas Inquisitionum necessarias suis sumptibus praestandas *Ord. Prou. Sax. de anno 1555. Tit. von Vnkosten der peinlichen Rechtsfertigungen*, 2) ad eos, qui iura pauperum impetrarunt, subleuandos. 3) Ad Patibulum aliaque Signa Iurisdictionis erigenda, 4) ad praestandas impensas in Executiones delinquentium, vulgo *das Hencker - Geld*, nisi aliud consuetudine introductum, ut nempe subditi aut in totum, aut ex parte illas ferant, per *Cit. Ord. Sax.* 5) ad praestanda alimenta liberis Expositis *denen Findel - Kindern*, quia id ex causa Criminali oritur, et per *cit. Ord. Proc.* custodia furiosorum ad Superiorem Iurisdictionem refertur, infantes autem, qui fari nondum possunt, furiosis in genere equiparantur, *l. 1. ff. de act. et oblig. vid. CARPZOV. P. 4. C. 4. Def. 10.*

CAP. III.

DE IVRE CONDUCTORIS.

§. I.

*In Exercitio
Iurisdic. non
est turbandus,*

*sive Locator
sit Princeps,*

sive Priuatus,

QVia finis conductae Iurisdictionis maxime iste est, ut Conductor usum eiusdem, siue emolumenta percipiat, idem a Locatore in exercitio eius non est turbandus, siue Locator sit Princeps, siue priuatus. Licet enim Principes Legibus sint soluti, tamen eo ipso, dum contrahunt, legibus publicis, et normae Contractus, quem incunt, se adstringunt, et proinde actionibus ex contractu ortis non tam tenentur, quatenus ciuiles leges id disponunt, sed quatenus fidem suam dederunt. De priuato multo minus erit dubitandum, cum ex natura locationis, et lege 15. ff. *Loc. Cond.* ad id obligetur. Non tantum autem ipse locator in id allaborare debet, ne per se in exercitio Iurisdictionis locatae conductori interuertatur commodum, sed etiam ne per alios id fiat; Vtrumque autem si intermiserit, conductori ad interesse est obligatus *cit. l. 15. et 33. ff. Loc. Cond.* Quamobrem Locator ius exercendi Iurisdictionem intra tempus Locationis vendens, non liberatur hoc ipso ab obligatione, qua Conductori est obstrictus; Habet etenim Conductor entorem non obligatum ad implendum contractum Locationis cum priori Domino initum *l. 9. C. Locat.*, sed compellere potest Locatorem ad praestandum id quod interest, non factam fuisse hanc interruptionem, vid. *MEV. P. I. Dec. 54.* Quoties enim stat per alium, quem Locator prohibere potuit, quo minus Conductor emolumentis Iurisdictionis frui possit, ille ad id quod interest conductori tenetur. *l. 24. §. 4. l. 33. ff. de Loc. Cond.*

§. II.

§. II.

In quo autem emolumenta Iurisdictionis potissimum *Quae sint emolumenta Iurisdictionis.* consistant, paucis determinare allaborabimus ut appareat, quantum iuris sibi Conductor circa eiusmodi Conductionem vindicare possit: Vbi in primis videbimus, quid ad Iurisdictionem Personalem locatam referendum? In genere *Personalis.* hic dicendum: Si utraque Iurisdictionis species tam Superior quam inferior locata sit sine vlla reservatione, eiusmodi conductorem ea capere emolumenta, quae ante locationem a Praefecto in rationes sunt redacta; Proinde talis Conductor merito etiam percipit *die Commission-und Geleits-Strafen*, et licet Princeps sibi in Locationis Contractu reservauerit ius aggratiandi et poenam corporalem in multam conuertendi, Conductor tamen eam multam recte sibi asserit: Pari iure ad conductorem quoque pertinent: *Die Hülffs-und Abzugs-Gelder; Gerade und Heer-Geräthe, so dem Amte beeingefallen*, tanquam bona vacantia, ad onera Iurisdictionis ferenda, vid. HORNII *Consult. Respons. et Sentent. pag. 721.* et BERGER. *in Oecon. Iuris pag. 683.* Quod si vero sola inferior locata sit Iurdictio, ad eiusdem emolumenta determinanda in subsidium adhibendae erunt *Resolut. Grau. de an. 1555. et 1543. Tit. Was zu Ober-Nieder oder Erb-Gerichten gehörig.* Sed prudentius agat, utiliusque eiusmodi conductor sibi prospiciet, si omnia speciatim exprimenda a Locatore in contractu sibi curet.

§. III.

Quae emolumenta Conductor Patrimonialis Iurisdictionis sibi asserere possit, hac includuntur regula: Quicquid *Patrimonialis, et quae ad Conduct. spectant.* utilitatem praestat Domino Iurisdictionis in exercitio eiusdem, illud cedit conductori, nisi aliter sit conuentum. Illa

Illa vero, missis nunciis, quae in citata Resolutione iam expressaprehenduntur, maxime sunt sequentia: 1) Habet ius Personas iudiciales constituendi, 2) Ius poenas mirigandi et corporales in pecuniarias mutandi, eoque magis, si nulla poena determinata adest; Et quanquam super hoc puncto inter CARPZOVIVM, STRVVIVM et ZIEGLERVIVM agitata sit controuersia, tamen illa per *Resolut. Grav. de an. 1661. §. 59. Tit. von Justitien-Sachen* decisa est, et iurisdictionem Patrimoniale[m] habentibus permissum, suigationem et relegationem perpetuam in poenam pecuniariam praeuio Collegii Iuridici iudicio transmutandi. Etiam speciali *Rescripto de die 28. Sept. an. 1715.* Inferiorem Iurisdictionem habentibus concessum, carcerem in multam commutandi. Quae tamen potestas tantum in Sax. Elect. non vi Iurisdictionis, sed vi Priuilegii magistratibus asseritur, et tantum intelligenda de surrogatione multae in locum poenae lege determinatae; Nec in ipsa Sax. Elect. dispositio citati §. 59. *Resolut. Grav.* ultra casus ibidem expressos erit extendenda. Quamobrem poena, quae in delinquentes contra Edictum Regium Duella cohibens, constituta est, ab eo, qui superiorem habet Iurisdictionem, in pecuniariam minime mutari potest, prout in hanc sententiam respondit *Facultas Iuridica Witteb. an. 1710. M. Dec.* teste Ill. GRIBNERO in *Dissertat. de his, quae vulgo, sed perperam ad Iurisdictionem referuntur.* Quod etiam de Delictis carnis asserendum, idque eo certius, cum in Edictis Regis nostri Potentissimi de an. 1700. M. Oct. et 1709. M. Sept. expresse ita sit sancitum. Probe tamen notandum priuilegium istud iam recensitum, tantum Patrimoniale[m] Iurisdictionem habentibus competere, minimeque ad eos spectare, quibus Administratoria est concessa,

cessa, per verba d. §. 59. *Resolut. Grau. So mit Ober-Gerichten belieben.* 3) Habet ius exercendi speciem iuris Fisci in Sax-Elect., vi cuius Iurisdictionem superiorem habenti, deferuntur bona Caduca, Gerada, nec non omnes res Expeditoriae deficientibus legitimis successoribus, *Part. 3. Const. El. 38. §. fin. CARPZ. in Pract. Crim. P. 3. quæst. 109. n. 70. SECKENDORFF in Teutschen Fürsten-Staat P. 3. C. 3. S. 9. §. 2.* 4) Ius Detractus de Subditi defuncti bonis extraneo relictis, ab eoque exportandis; Quod etiam exercetur, si subditi sub alterius Domini Iurisdictionem se conferant, licet non ex territorio eiusdem Principis emigrent, vid. *SECKENDORFF in Teutschen Fürsten-Staat P. 3. Cap. 2. ad §. 13.* Quod si plures sint in vno loco, qui Iurisdictionem habent, iste hoc ius exercet, qui Superiorem habet. Quin imo licet alicubi ius detractus non vigeat, subditi vero defuncti haeres ex eo loco sit, ubi id obtinet, ius Retorsionis exerceri potest, *P. 3. Const. El. 38. SECKEND. c. 1. §. 13.* 5) Ius Sportulas iudiciales et multas exigendi, hac tamen cum distinctione, vt ex causis Criminalibus prouenientes iurisdictionem superiorem habenti addicantur per *Ordin. Ernesti et Alberti &c. Tit. Was zu Ober- Nieder- oder Erb-Gericht gehörig*, et per *Mandatum speciale de an. 1624. d. 29. Iunii.* 6) Ius Pignorandi *P. 2. Const. El. 8. CARPZ. P. 2. C. 27. def. 3.* 7) Dimidiam partem poenarum, ab iis praestitarum, qui furtum ligni commiserunt per *Mand. Iob. Georgii I. de die 1. Martii 1619.* quae dispositio a Potentissimo nostro AVGVSTO peculiari Mandato *de die 11. et 12. April. 1709.* repetita. 8) Tertiam partem poenarum, qua isti afficiuntur, qui cereuisiam tributis subtrahere fuerunt annisi vid. *Erklärung des de dato den 15. April. anno 1702. ergangenen Interims-Aus-*
D *schrei-*

schreibens der auf einen neuen Fuß, nach denen Fassen gerichteten Tranck-Steuer de die 20. Jan. 1703. Cap. 21.
 9) Tertiā partem poenarum von untergeschlagenen Imposten, cum iure in eiusmodi delinquentes inquirendi, vid. *Aus schreiben de die 17. Jun. 1700. die Abstattung derer von gewissen Stücken bewilligten Abgaben betreffend. Cap. 11.*
 10) Partem quartā eiusdem poenae, qua isti mulctantur, qui Corniculo Postarum sine auctoritate publica vtuntur: vid. *Post-Ordnung de die 27. Iulii 1713.* Quae posteriores duae species iurisdictionem Inferiorem habentibus competunt. 11) Tertiā partem istius poenae, qua ille afficitur, qui Exceptionem non adimpleti Contractus friuole et ad Litis protelationem opposuit, v. *Anhang O. P. S. R. §. 4. conf. Excell. D. KVNHOLD in Dissertat. de Vsu Except. non adimpleti Contractus hodierno.* 12) Eandem poenae partem Conductor percipit, si haeres ex debito defuncti executiue conuentus, negauerit se esse haeredem *ib. §. 7.* 13) Idem quoque obtinet, si debitor executiue conuentus in reconuentione Exceptionem non numeratae pecuniae probauerit, *ibidem §. 8.* Omnia haec emolumenta in hoc §. recensita, Conductorī cedunt, et Locator illa priuatiue dedisse intelligitur, ita vt penes eum nihil maneat, nisi quod reperiatur reseruatum vel exceptum, MEV. Part. 4. Dec. 246.

§. IV.

Quae ad Conductorem non spectant.

Et haec iam recensita Iurisdiction. emolumenta illis praecipue annumerantur, quibus Conductor Iurisdictionis per tempus Locationis frui potest. Reliqua autem, quae huc praeter ista referuntur, cum personam Domini Iurisdictionis tantum concernant, Conductorī Iurisdiction. non sunt vindicanda, quo referendum. 1) Ius Precum Ecclesiasticarum, quibus Dominus Iurisdictionis a Subditis

ditis est includendus per Rescript. Christ. II. *Dafs die Obrigkeit und Collat. ins Kirchen-Gebet eingeschlossen werden sollen* de die 22. Oct. 1630. 2) Porro huc etiam spectat potestas Dominis Iurisdictionis concessa, immobilia coram suo iudicio oppignorandi *Dec. El. 38.* Contrahendi, subditos suos in suo iudicio in realibus et personalibus feudalibusque Causis conueniendi *O. P. S. R. Tit. 2. §. 3. Verzicht leisten*, Testamenta condendi. 3) Statuta promulgandi *Ord. Polit. de an. 1661. Tit. 22. §. 2. 3. 5.* 4) Homagium exigendi a subditis, 5) Ius subditos recipiendi; In genere, vt plura paucis complectamur, hic discernenda sunt, quae Locatori Iurisdictioni competunt *als Gerichtsherrn*, ab iis quae ei debentur *als Lehn oder Erb-Zins Herrn*. Quamobrem 6) Conductor neque Census, neque Canones, neque Pensiones, nec Decimas a Censitis, Emphyteutis, Villicis, Churmedis, Lassis, praestandas sibi vindicare potest, nisi speciatim ipsi sint attributa, vid. *LVDWIG. Tract. de Churmeda etc.* Nec 7) Operae rusticae Conductori Iurisdictionis cedunt, cum illarum origo et fundamentum non in Iurisdictione proprie sit quaerendum, sed in expressa vel tacita conuentione inter Dominum et Seruum, circa manumissionem olim inita, dum his, sub lege operarum aut pensionum Domino praestandarum, libertas et praedia fuerint concessa; Vnde non abs re testimonia et compensationes manumissionis censentur; Quamuis non nihil consuetudini et legi circa eas sit tribuendum, vti obseruat Dn. *KEMMERICH in Accession. ad Instit. §. 10. pag. 710.* Nec 8) Laudemium. Nec 9) Ius Mortuarium, quod Domino ex bonis defuncti Rustici, aut hominis proprii in nonnullis locis debetur. conf. *HARPPRECHT. in dissert. de Mortuario, vom Haupt-*

D 2

Fall,

Fall, Cl. LVNIG. in *German. sacr. diplom. P.3. pag. 12.*
BRVSCH. de monast. Germ. p. 314. MEINDERS *de Iurisdic. colonaria* p. 123. Nec 10) Immo-
 bilia subditorum solo Consensu Conductoris vendi possunt, sed adhibito
 consensu Domini *des Lehn oder Erb - Zins - Herrn O. P. Sax. Tit. 46.* 11) Si pignorans sit subditus Domini Iuris-
 dictionis, et pignora eidem subducendo, animo transfe-
 rendi Iurisdictionem in alterius iudicium deferat, illi per
Part. 2. Const. 8. liberum est, talem subditum periculum ad
 immobilia sua vendenda adactum, ex terris Iurisdictionis
 suae expellere. Cum autem praeiudicium maximum in eo
 versetur, merito soli Dispositioni Domini Iurisdictionis seu
 Locatoris id referuamus. Vltiorem determinationem
 eorum quae hactenus discernere alloborauimus, exhi-
 bet Sententia I Ct. Altorfensium super hac quaestione la-
 ta, quam expressis verbis adducit AMELVNG in *tra-*
ctatu de Locat. Conduct. Rei Dominicae pag. 315.

§. V.

*Proregatio Iu-
 risdict. subdi-
 tis non conce-
 denda.*

Omnia igitur emolumenta Iurisdictionis, quae Con-
 ductori debentur, ei illibata et integra sunt concedenda
 conseruandaque, quem in finem etiam Conductor ius ha-
 bet, subditos Iurisdictionem prorogare volentes eo adigen-
 di, vt coram se lites suas dirimendas curent; Cum enim
 Locatori hoc ius comperat, etiam Conductor illud exer-
 cere poterit. Nec quisquam dubitauerit, Dominum Iuris-
 dictionis Patrimonialis, de Domino enim Iurisdictionis
 Personalis hoc certissimum est, subditos suos ad id com-
 pellere posse: Idque facile euinci poterit, si modo princi-
 pia Iuris Ciuilis hac in parte reliquentes consideremus, Do-
 minum Iurisdictionalem, suam in subditos Iurisdictionem
 non iure magistratus, sed iure Dominii habere, SCHIL-
 TER

TER. *Ex. ad ff. VI. §. 23.* Quemadmodum enim de Iure Canonico certum est, Iurisdictionem Clericalem prorogari non posse, ob hanc potissimum rationem, ne tendat in praeiudicium Ordinis Clericalis, *C. si diligenti 12. C. significasti, 18. X. de Foro Compet.* ita etiam haec ratio ad Patrimonialem Iurisdictionem quadrabit, si illi adhuc addiderimus hanc, ne scilicet Prorogatio tendat contra beneficium et priuilegium Ordini Clericali per concessionem huius Iurisdictionis datum; Et proinde subditis pari modo non est concessum, Iurisdictionem istam cui subsunt, expresse prorogandi: Respicit enim eiusmodi forum concessum, tam fauorem Domini Iurisdictionis quam Subditorum, cui Subditus solus renunciare non potest, nisi consentiente Domino Iurisdictionis, alieno enim facto alterius ius non mutatur *l. 27. ff. de Procurat.* nec alteri per alterum iniqua potest inferri conditio *l. 74. ff. de Reg. Iur.* Id quod etiam apud Gallos fieri non potest, ex ea ratione, quia ibi omnis Iurdictio est Patrimonialis, PETR. COSTAL. *L. I. de iudiciis.* Merito igitur eiusmodi prorogantes poenis afficiuntur, v. SECKEND. *teutscher Fürsten-Staat. P. 2. C. 9. §. 2.*

§. VI.

Obligatus equidem est Conductor ad soluendam mercedem pro iure omnia haec percipiendi emolumenta; His autem cessantibus, etiam haec eius cessat obligatio ad mercedem soluendam, nam deficiente causa finali, propter quam Contractus initus, ipse definit Contractus *l. 6. C. de Pactis inter Emt. et Vendit.* Quod si omnia cessent, licentia erit Conductori a Contractu recedendi *l. 13. §. 7. l. 27. §. 1 ff. Locat. Cond.* Si autem per quoddam Conductionis tempus Conductor percipere non potuerit emolumenta Iurisdictionis, pro hoc temporis spatio remissio ei a Locatore facienda, veluti ob causam Belli, *l. 33. ff. Loc. Cond.* quin imo si ruina eiusdem subditi adeo sunt pauperes redditus, ut eorum lites quiescere hoc ipso teneantur, plane liberabitur Conductor ab obligationis

Quando merces remittenda.

suæ nexu, omnis enim Conuentio tacitam hanc in se habet Conditionem : Rebus in eodem statu manentibus *l. 38. ff. de Solut.* et in eum casum hæc obligatio deuenit, a quo incipere non potest, quamobrem eadem utique extinguitur *l. 98. ff. de Verb. oblig.* est enim status et Conditio Iurisdictionis Causa, ob quam Conductor ad contrahendum persuadetur. In genere hic dicendum : Quoties Iustitium tempore Conductionis existit, toties Conductori a Locatore remissio facienda. Omnia autem hæc cessant, si conductor in se receperit, se nihilominus mercedem soluturum : nec quidquam huc faciet, quod pro laboribus frustra adhibitis, pro nullo commodo mercedem solvere teneatur ; cum verba pacti expressa conductori obsint. Porro hæc cessant, si tempore calamitatis publicæ conductor hunc inierit contractum, nam sic videtur hoc periculum in se suscepisse, et obligatus manet ad adimplendum Contractum. Proinde difficilior hoc casu est remissio mercedis, difficillima autem resolutio obligationis, qua locatori est obstrictus.

§. VII.

*Quando ius
Locatoris et
Conductoris
expirat.*

Finito tempore a contrahentibus præfinito, vtriusque expirat ius. Et quanuis locatio ultra nouem annos fuerit inita, tamen ideo ius aliquod in Re sibi acquirit Conductor, sed finito tempore utique ius suum expirat, nec alyi loco hoc casu uti poterit *l. 1. §. 3. ff. de Superficiebus*, cum non solum inspecta ratione huius legis, verum etiam collata *l. 39. ff. de Loc. Cond. et l. 2. C. de Præscript. 30. et 41. ann.* ab hoc repellatur. Non autem morte vtriusque contrahentis extinguitur ius, sed transit ad hæredes Locatoris et Conductoris, idque iure Ciuili et Saxon. *§. f. I. Loc. Cond. l. 10. C. cod. P. 2. Const. El. 37.* Quo tamen in casu hæredes Conductoris tenebuntur, ad legitimum officialem *einen Gerichts-Vervualter* constituendum, siue hoc enim ius defuncti prosequi non poterunt.

§. VIII.

Conclusio.

Sed hic subsisto ; Licet praeuideam multa adhuc dicenda restare, quæ dignitas huius materiae exigit. Deo interim Ter Optimo Maximo pro concessa gratia omnibusque per totum vitæ tempus in me collatis beneficiis gratias persoluo immortales, eiusque diuinæ elementiae me meaque studia in futurum etiam commendo. Beneuolus autem Lector veniam mihi dabit, si quæ minus apte aut pro dignitate huius materiae dicta deprehendet. Patriæ et Patronis exhibendum erat aliquod industriae meae et temporis in hac Academia locati specimen, quibus si vel ex aliqua parte satisfecisse videbor, merito mihi gratulor, meliora cum Deo promittens.

V I R O
 PRAENOBILISSIMO, CONSVLTISSIMO
 ATQVE AMPLISSIMO
 D O M I N O
 CHRISTIANO
 SOMMERO
 SERENISSIMI AC POTENTISSIMI
 POLONIARVM REGIS ET SAXONIAE
 ELECTORIS SECRETARIO REGIMINIS
 AC CIVITATIS DRESDENSIS
 SENATORI
 FAVTORI SVO COLENDO

S. P. D.

PRAESES.

ortes creari fortibus ac bonis, nec
 imbellem feroces progenere aquil-
 las columbam, verissime canit Vates.
 Intuenti mihi Filii tui merita, con-
 spicio simulacrum Paternarum Vir-
 tutum, quas in Te mirantur omnes,
 VIR AMPLISSIME, quibus
 amicitia TVA propius frui conti-
 git. Si pietatem haud fucatam, si iudicii acumen, si la-
 bores indefessos, si denique morum elegantiam in Filio Po-
 litissi-

litissimo deprædico, Paterna vestigia presso pede sequentem merito collaudandum profiteri cogor. Posteaquam enim Filius TVVS interesse coeperat Lectionibus meis, Tantum in arduis diiudicandis ardorem, Tantam ingenii felicitatem, improbo labore omnia vincentem in Eo perspexi, ut hortari ad honores palmarum per se currentem supernacaneum existimarem. Insignem hoc animo TVO excitabit laetitiae sensum, quum votis, quae pro Filii salute nuncupare Pietas TE iussit laudatissima, felicissimus nunc respondeat euentus, ex quo fructus Paternarum sollicitudinum vberrimos sperare queas. Emolumentum Patriae, praesidium Familiae inclutae certissimum spondent progressus studiorum Filii TVI, qui omnem vitae suae rationem ita composuit, ut ad summam laudem iure suo adspirare possit. Luculentissimum praebet testimonium praesens specimen proprio Marte ab eo conscriptum, ex quo nihil mihi vindico, ne plagii vitium incurrisse videar; sed cui debentur, Filii TVI solertiae cuncta tribuo. Gavisus sum in sinu, dum breui tempore alterum fidei meae creditum praeter spem atque opinionem publico Eruditorum Certamini sisto, cui aliena opera abuti opus haud fuerat. Hinc gratulor TIBI, PARENS FELICISSIME, ex animo egregios hosce Filii TVI conatus, et ut ex Ipsius incrementis Tua quotidie augeatur laetitia, tota mente voveo. TE vero seruet Summus Omnium Moderator et Arbitrator cum incluta gente TVA ad longaeuos annos sospitem incolumem, omnique ex parte beatum, quo ex felicitate Filii TVI fortunatissimum TE Parentem factum quam diutissime sentias. TVO interea Fausor me commendatum habeas, precor. Vale.

